


婦人良方

坐月 產難

產後

十六之九



卷之十六

坐月門

產寶方固題序一

將護孕婦論二

滑胎例三

月室方位例四

逐月安產藏衣忌向方位五

推妊婦行年法六

體玄子借地法七

禁草法八

禁水法九

入月預備藥物十

卷之十七

產難門

產難論一

楊子建十產論二

催生方論三

交骨不開產門不開方論四

新附

郭稽中產難方論五

產難子死腹中方論六

產難生死訣七

卷之十八

產後門

產後將護法一

調理法二

通用方論三

胞衣不出方論四

血暈方論五

卷之十九

顛狂方論六

狂言譫語方論七

不語方論八

產後門

乍見鬼神方論一

心神驚

悸方論二

中風心驚方論三

中風恍惚方論四

虛極生風方論五

虛汗不止方論六

胃悶汗出方論七

汗多變瘰方論八

口禁腰背反張方論九

中風方論十

四肢筋攣方論十一

瘕瘕方論十二

脚氣方論十三

新附

太醫院校註婦人良方大全卷之十六

江右臨川陳自明良甫編

太醫院使立齋薛已校註

建邑書林泗泉余彰德梓

坐月門

妊娠疾病既明須知坐月門避忌故以次之

產寶方周頤序第一

頤聞至靈者人最重者命人皆知命之重而不知養命之方以致年未衰邁疾病攻奪倉卒尋醫多致有誤况婦人病惟產難為急子母命懸片時故產二三胎者臟腑未衰血氣未減疾病易治若產育過多復自乳子血氣愈衰尤難治若產後血氣未復胃氣益傷諸症蜂起此古人所以專著產乳方論余故徧採

產寶等方兼拾外氏之遺作為論說粹為三編刊行于世以救
危急云時丁巳歲秋八月吉日周頌謹序

將護孕婦論第二

凡妊娠至臨月當安神靜慮時常步履不可多睡飽食過飲酒
醴雜藥宜先貼產圖依位密鋪床帳預請老練穩婆備辦湯藥
器物欲產時不可多人喧闐惶惶但用老婦二人扶行及凭物
站立若見漿水腰腹痛甚是胎離其輕令產母仰卧令兒轉身
頭向產門用藥催生坐草若心煩用水調服白蜜一匙資飢吃
糜粥少許勿令飢傷恐乏其力不可強服催藥早於坐草慎之
愚按前論當慎守之此先哲好生之德防患於未然者也仁
哉

滑胎例第三

凡妊娠十月宜服滑胎湯藥

滑胎枳殼散令胎瘦產易河陽公主每產累日不下南山道人

進此方

商州枳殼二兩 麩炒

粉草一兩 炒

右為末每服二錢空心沸湯調日三服凡孕六七月宜服之

溫隱居加當歸廣木香各等分

易產兼治諸疾下氣寬膈

枳殼五兩 麩炒

甘草一兩 半

香附子三兩 炒 去毛

右為末每服二錢用白湯調服

內補丸治妊婦衝任脉虛補血安胎

熟地黄二兩用生地酒拌蒸熟杵膏

當歸一兩炒為末

右為末和丸梧子大每服三四十丸溫酒或滾湯下許孝士云大率妊娠唯在抑陽助陰然胎前藥唯惡群隊陰陽錯雜別生他病唯枳殼散所以抑陽四物湯所以助陰爾然枳殼散其味多寒若單服恐致胎寒腹痛更以內補丸佐之則陽不至強陰不致弱陰陽調和有益胎嗣此前人未嘗論及也易產滑胎車前子為末或酒或飲服寸匙詩云芣苢能令婦人樂有子矣陸機注云治婦人產難惠詳孔子序詩云樂然而生易於生育即此謂也

神寢丸

臨月服之神效

蘄州施少卿方蘄州徐太丞傳

通明乳香半兩別研

枳殼一兩麩炒

仁砂

右為末煉蜜丸梧子大每服二十九空心溫酒下

榆白皮散 治姙娠滑胎易生

榆白皮

甘草 各二兩

葵子 兩

右為末每服五錢水煎

孕及九月將產猪肚一具煮爛徐徐自食盡易產

保氣散 治寬氣進食瘦胎易產或居處失宜頓作胎動若胎

痛胎漏兼服佛手散見通方

香附 兩四

山藥 兩二

枳壳 兩一

木香 兩四

粉草 兩一

益智

紫蘇葉 各半兩

右為末每服二錢白湯調下

神寢丸枳殼散見前此三藥入月宜常服

保產無憂散 治妊婦身居安逸口厭甘肥憂樂不常食物不

節致胞胎肥厚根蒂堅牢入月服之則易生矣

當歸

川芎

白芍藥

枳殼炒秘

乳香各三錢

木香

甘草

血餘即髮灰以猪心
和之各一錢半

右為末每三錢水煎日二服神効

月空方位例第四

出太平聖惠方
外臺變要同

正月

二月

三月

四月

五月

六月

七月

八月

九月

十月

十一月

十二月

正月

二月

三月

四月

五月

六月

七月

八月

九月

十月

逐月安產藏木忌向方位第五

凡安產藏木方位並於卧閣内分布太平聖惠方云凡妊婦初
入月便寫產圖一本以采畫某月某日空貼在某位如正月在

丙壬可於壬位安產婦床。丙位藏衣之類。貼產房北壁。值
閏月。只看節氣用之。又云。每月產圖有甯公招搖運鬼力士天
狗軒轅太時咸池豐隆吳時白虎大夫天候狂虎凡此十二神
並從月建易其位。所謂月空者。按內經云。月廓空無寫王水注。
云論月輪中空日也。即非十二神之數。今太平聖惠方以六陽
月在丙壬以六陰月在甲庚。正如外臺所言。正月在丙壬。至十
二月在甲庚之類。其理一也。但外臺言之詳。聖惠言之簡。今人
多從其簡。或云。凡逐月安產藏衣並向月德月空方位。所有十
三神殺並從節氣更換。若交次月節便作次月用。蓋產圖者非
也。假如正月十四日立春。若姙婦十三日乳卧豈可作去年十
二月用。必依月分用之。乃是若依節氣更換則天德月德所在

差矣然月空與任謂之中天空頗相類議者以爲天空者非十
三神之數蓋課中有天乙貴人其位無可與對者故此空是謂
天空值此神百事不宜止宜安產婦床帳藏衣之類耳集聖曆
云天德正月在丁二月在坤三月在壬四月在辛五月在乾六
月在甲十月在癸八月在艮九月在丙十月在乙十一月在巽
十二月在天

又堪輿曆有遊年白虎殺神在太歲後一辰如太歲卯則白虎
在寅餘倣此推之若產及藏衣犯之則子母皆不利

王子亨云難產逆生論稱犯一切神殺固有是理然亦有自
然難產兒自逆生者及有產腸俱下者產已則復如故此非
疾病所致氣血所主天下之理蓋有不可窮詰者亦宜知之

南

未	丁	午	丙	巳
申				辰
庚				乙
酉				卯
辛				甲
戌				寅
乾	亥	壬	子	癸
丑	艮			

西

北

東

安產藏衣十三神吉凶方位

藏安運雷招軒咸豐天狂天大白
衣產鬼公搖轅池隆狗虎侯夫虎

吉吉力大吳

方方士時時

正月	壬丙艮寅寅卯辰辰辰午申酉戌
二月	坤 ^甲 乾亥卯子丑未巳酉巳戌亥
三月	丙壬坤申辰酉戌戌午子寅亥子
四月	甲庚巽巳巳午未丑未酉亥子丑
五月	丙壬艮寅午卯辰辰申子申丑寅
六月	庚申乾亥未子丑未酉卯巳寅卯

七月

丙壬坤申申酉戌戌戌子寅卯辰

八月

庚甲巽巳酉酉戌丑亥卯亥辰巳

九月

丙壬艮寅戌卯辰辰子午申巳午

十月

庚甲乾亥亥子丑未丑卯巳午未

十一月

壬丙坤申子酉戌戌寅午寅未申

十二月

庚甲巽巳丑午未丑卯酉亥申酉

推婦人行年法第六

生氣方

產婦宜面之坐卧及產帳向之開門大吉

反支月

遇此月即鋪灰上用牛皮或馬驢皮訖鋪草勿令惡

血汚地吉

禍害月

不得於其上產又不得向之二便避之大吉

絕命方

不得於其上產又不得向之大小便避之大吉

懸尸日

遇此日產不得攀繩宜懸馬轡攀之大吉

閉肚方

臨月至滿月並不得向之大小便及棄不淨之水

之吉

八疰方

產帳不得向之開門忌之大吉

生及過經日入產忌

經文忌令尸肚肚中宜

方月方方日方方

十二歲行年在庚申坤

正七離巽辰戌

在正西偏北辛○在正東偏北申○黃色衣西南首○西南

方黃衣師看產

十四歲行年在巳未離艮八坤兌卯酉

在正北偏西壬○在正北偏東癸○赤色衣正南首○正南
方赤衣師看產

十五歲行年在戌午坎艮九乾艮日丑未

在正東偏北甲○在正北偏西壬○黑色衣正北首○正北
方黑衣師看產

十六歲行年在丁巳震月四十艮乾日丑未

在正東偏北甲○在正西偏北辛○青色衣正東首○正東
方青衣師看產

十七歲行年在丙辰艮月五十震艮日子午

在正東偏南巳○在正南偏南庚○黃色衣東北首○東北

方黃衣師看產

十八歲行年在乙卯乾六十坎震巳亥

在正南偏東丙○在正南偏西丁○白色衣西北首○西北方白衣師看產

十九歲行年在甲寅兌正七巽離辰戌

在正南偏西丁○在正南偏東丙○白色衣正西首○正西方白衣師看產

二十歲行年在癸丑巽二八兌坤卯酉

在正西偏南庚○在正東偏南乙○青色衣東南首○東南方黃衣師看產

二十一歲行年在壬子坤三九離巽寅申

在正西偏北辛○在正東偏北甲○黃色衣西南首○西南方黃衣師看產

二十一歲行年在辛亥離月四十坤兌丑未

在正北偏西壬○在正北偏東癸○赤色衣正南首○正南方赤衣師看產

二十二歲行年在庚戌坎月五十乾艮子午

在正北偏東癸○在正北偏西壬○黑色衣正北首○正北方黑衣師看產

二十三歲行年在巳酉震月六十艮乾巳亥

在正東偏北甲○在正西偏北辛○青色衣正東首○正東方青衣師看產

二十五歲行年在戌申艮月正七震坎辰戌

在正東偏南乙○在正西偏南庚○黃色衣東北首○東北
方黃衣師看產

二十六歲行年在丁未乾月二八坎震卯酉

在正南偏東丙○在正南偏西丁○白色衣西北首○西北
方白衣師看產

二十七歲行年在丙午兌月三九巽離寅申

在正南偏西丁○在正南偏東丙○白色衣正西首○正西
方白衣師看產

二十八歲行年在乙巳巽月四十兌坤丑未

在正西偏南庚○在正東偏北乙○青色衣東南首○東南

方青衣師看產

二十九歲行年在甲辰坤_五十離_巽子午

在正西偏北辛○在正東偏南甲○黃色衣西南首○西南方黃衣師看產

三十歲行年在癸卯離_六十坤_兌巳亥

在正北偏西壬○在正北偏東癸○赤色衣正南首○正南方赤衣師看產

三十一歲行年在壬寅坎_旺七乾_艮辰

在正北偏東癸○在正北偏西壬○黑色衣正北首○正北方黑衣師看產

三十二歲行年在辛丑震_艮八艮_乾卯酉

在正東偏北甲○在正西偏北辛○青色衣正東首○正東方青衣師看產

三十三歲行年在庚子艮三九震坎寅申

在正東偏南乙○在正西偏南庚○黃色衣東北首○東方黃衣師看產

三十四歲行年在巳亥乾四十坎震丑未

在正南偏東丙○在正南偏西丁○白色衣西北首○西北方白衣師看產

三十五歲行年在戊戌兌五十巽離子午

在正南偏西丁○在正南偏東丙○白色衣正西首○正西方白衣師看產

三十六歲行年在丁酉巽_六卦兌坤_肥多

在正西偏南庚○在正東偏南乙○青色衣東南首○東南方青衣師看產

三十七歲行年在丙申坤_正七離巽_辰戌

在正西偏北辛○在正東偏東甲○黃色衣西南首○西南方黃衣師看產

三十八歲行年在乙未離_二八坤兌_卯酉

在正北偏西壬○在正北偏東癸○赤色衣正南首○正南方赤衣師看產

三十九歲行年在甲午坎_三九乾艮_寅丑

在西北偏東癸○在正北偏西壬○黑色衣正北首○正北

方黑衣師看產

四十歲行年在癸巳震

四十艮乾丑未

在正東偏北甲○在正西偏北辛○青色衣正東首○正東方青衣師看產

四十一歲行年在壬辰艮

五十月震坎子午

在正東偏南乙○在正西偏南庚○黃色衣東北首○東北方黃衣師看產

四十二歲行年在辛卯乾

六十月坎震巳亥

在正南偏東丙○在正南偏西丁○白色衣西北首○西北方白衣師看產

四十三歲行年在庚寅兌

正七月巽離辰戌

在正南偏西丁○在正南偏東丙○白色衣正西首○正西
方白衣師看產

四十四歲行年在巳丑巽二八兌坤外酉

在正西偏南庚○在正東偏南乙○青色衣東南首○東南

方青衣師看產

四十五歲行年在戊子坤三九離巽寅申

在正西偏北辛○在正東偏北甲○黃色衣西南首○西南

方黃衣師看產

四十六歲行年在丁亥離四十坤兌丑未

在正北偏西壬○在正北偏東癸○赤色衣正南首○正南
方赤衣師看產

四十七歲行年在丙戌坎一五肝乾艮子午

在正北偏東癸○在正北偏西壬○黑色衣正北首○正北

方黑衣師看產

四十八歲行年在乙酉震六肝乾艮巳亥

在正東偏北甲○在正西偏北辛○青色衣正東首○正西

方青衣師看產

四十九歲行年在甲申艮正七震坎辰戌

在正東偏南乙○在正西偏南庚○黃色衣東北首○東北

方黃衣師看產○坐產時更用後法

體之借地法第七

東借十步

西借十步

南借十步

北借十步

北借十步

上借十步

下借十步

壁方之中四十餘步安產借地或有穢汚或有東海神主或有西海神主或有南海神主或有北海神主或有日遊將軍白虎大夫遠去十丈軒轅招搖舉高十丈天符地軸入地十丈令地空閑產婦某氏安居無所妨碍無所畏忌諸神擁護百邪速去急急如律令

前項借地法於入月一日朱書一本貼產婦房內牆壁上更不須避忌神殺也

鋪草及種褥訖即呪曰

鐵鐵湯湯非公所當是王一言得之銅一言得之鐵母子相生

俱發鐵急急如律令

六水法第九

欲產時貯水呪曰

南無三寶水

水在井中為井水

水在河中為河水

水在器中為淨水

水在法中為真水

自知非真莫當真水

以淨持濁

以正治邪

日遊月殺

五士將軍

青龍白虎

朱雀玄武

招搖天狗

軒轅女妓

天吞地吞

懸尸閉肚

六甲禁諱

十二神王

土符伏神

各安所在

不得動靜

不得忌干

若有動靜

若有忌干

施以神呪

當攝汝形

阿佉左阿毗羅莫多梨娑地梨娑訶

八月十五日

愚按前所誦補內佛手保氣枳殼榆皮黑神太聖誦石七散

補腎保生理中三九催生黑虎二丹及催生神符又蔡子生
地黃羌活竹茹烏梅雌雄右燕甘草海馬嚼鉄大棗陳皮薑
錢黑豆白蜜無灰酒童子小便酸醋白米湯瓶鍋鉋斷臍線
剪之類可謂周恤之至矣內花蕊石散為血入胞衣脹大不
能下或惡露上攻不能甦醒佛手散治血虛之危症加味芎
歸湯治交骨不開華麻子治胎衣不能上下朱砂散治惡露
腹痛不省人事蠟油調滑石奎入產門為滑胎藥清血散治
血暈等症平胃散朴硝水銀為腐化死胎之劑八珍湯補血
氣虛損已上諸方皆為緊要之藥必不可缺其斷臍帶先用
線近臍扎敗糸帛裹咬斷如天氣風寒或難產母子勞傷元氣
者先扎臍帶以油紙擦燒斷此又為迴生起死之要法也故

治者當審其宜不可槩信而用之

催生靈符

靈符宜以水飛研砂書之貼於房內北壁上至坐蓐之時將符以針割就盡內化之溫水調服

治產難橫生逆產胞衣不下靈符見後出聖惠方局方同

麗幽

月月月月
月月月月
月月月月

月月月月
月月月月
月月月月

弱公光
弱公光
弱公光

不安穩朱
書貼北壁上

豐

覺不安穩
書貼枕上

厲

橫生朱砂
書此符以
順水吞下

𠂔𠂔𠂔𠂔𠂔

此四符入月一
日墨書鞋底上
密安產婦帶尊
下勿令人知

𠂔𠂔𠂔𠂔𠂔

此三符遇產難
以墨書吞之

𠂔𠂔𠂔𠂔𠂔

此四符遇胞衣
不出以朱砂書
吞下

謹按前所著方論圖向符訣一帙自夫人泛視之似為迂遠然
艱於得子者恒相質問則惟此書為要屢試有明驗也余每觀
其護孕之方極為曲當易產之藥悉有根據至於圖向之趨避
吉凶所閱符訣之玄微神妙顯用其誠有得於諸先哲者乎不
然王太僕諸公深於奧理者也豈謬論耶則是書也誠難振良
方家戶之所當珍藏考究者使舍此而施治於妊婦鮮不有誤
矣觀者勿以為迂遠云

太醫院校註婦人良方大全卷之十六終

太醫院校註婦人良方大全卷之十七

江右臨川陳自明良甫編

太醫院使立齋薛已校註

建邑書林泗泉余彰德梓

產難門

坐月既明須知
產難故以次之



婦人以血為主惟氣順則血和胎安則產順今富貴之家過於安逸以致氣滯而胎不轉動或為交合使精血聚於胞中皆致產難若腹或痛或止名曰弄胎穩婆不悟入手試冰致胞破漿乾兒難轉身亦難生矣凡產直候痛極兒逼產門方可坐草時當盛暑倘或血運血溢當飲清水解之冬末春初產室用火和

煖下部衣服尤當溫厚方免胎寒血結若臨月洗頭濯足亦致愚按丹溪先生曰余族妹苦於難產遇胎則驅之予甚憫焉蓋其形肥而勤女工形肥則氣虛久坐則氣不運而兒在胞胎因亦不能自運耳當補其母之氣則兒健易產故後有孕至五六月遂以紫蘇飲加補氣藥與之數十貼而產甚快本要在隨母之稟性若胎胞破早血水先乾或難產勞傷氣血者煎个瓊湯或十全大補湯加益母草不時與服以協濟之或以黃芪數觔芎歸四五觔許太金水煎藥氣氤滿室使產婦口鼻俱受其氣臍帶以油紙燃燒斷補接其陽氣穩妥須擇老練者當先施惠預說與知倘有生生息不順只說是未產或是雙胎只說胎衣未下恐驚則氣散愈難生息

附治驗方藥

荆婦孟冬分娩艱難勞傷元氣產子已死用油紙燃燒斷臍帶藉其氣以煖之俄頃忽作聲此兒後無傷食作瀉之症可見前法之功不誣世用刀器斷臍帶子母致危者竟不知其由矣且穩婆又喜平日常施小惠得其用心兼以安慰母懷故無虞耳一穩婆云我止有一女正分娩時適當巡街侍御行牌取我視其室分娩女因驚赫未產而死後見侍御更以威顏分付迨視產母胎雖順而頭偏在下邊以致難產因畏其威不敢施手由是其母子俱不能救

紫蘇飲方見十二卷第八論

十全大補湯

八珍湯 二方見二十四卷第四論

楊子建十產論第三

凡生產先知此十症庶免子母之命折於無辜也世之收生者少者精良妙手多致傾命予因傷痛而備言之

一曰正產

正產者言懷胎十月陰陽氣足忽然作陣疼痛胎至谷道破血下兒即正產

二曰傷產

傷產者言懷胎未足月有所傷動以致忽然臍腹疼痛或服催藥過早或產母努力太早逼兒錯路不能正生凡分娩須待兒身轉順頭對產門努力一送兒即正生

三曰催生

催生者言欲產時兒頭至產門方服藥催之或經日久產母困倦難生宜服藥以助其血氣令兒速生

四曰凍產

凍產者言天氣寒冷產母血氣遲滯兒不能速生故衣裳宜厚產室宜暖背心亦宜溫和庶兒易生

五曰熱產

熱產者言盛暑之月產婦當溫涼得宜熱甚產母則頭疼面赤昏暈若產室人衆熱氣蒸逼亦致前患名曰血暈若夏月風涼陰雨亦當謹避

六曰橫產

橫產者言兒方轉身產母用力逼之故也凡產母當令安然仰
卧穩婆先推兒身順直頭對產門以中指探其肩不令臍帶羈
板方用藥催之繼以產母努力兒即生

七曰倒產

倒產者言兒未能轉身產母努力故也當令產母仰卧穩婆推
入候兒自順若良久不生令穩婆手入產戶一邊撥兒轉順近
產門却服催藥并努力即下

八曰偏產

偏產者言兒回身未順生路產母努力逼兒頭偏一邊產雖露
頂非也乃額角耳當令產母仰卧穩婆輕手正其頭向產門却
令產母努力子即下若兒頂後骨偏拄穀道露額令穩婆以綿

衣灸煖舉手於穀道外傍輕手推正令產母努力兒即生

九曰礙產

礙產者言兒身已順門路已正兒頭已露因兒轉身臍帶絆其肩以致不能生令產母仰臥穩婆輕推兒向上以中指按兒肩脫臍帶仍令兒身正順產母努力兒即生

十曰坐產

坐產者言兒之欲生當從高處牢繫手巾一條令產母以手攀之輕輕屈坐令兒生下不可坐祇兒生路

十一曰盤腸產

趙都運恭人每臨產則子腸先出然後產子其腸不收名曰盤腸穩婆以醋水各半盞默然嚙產婦面背方收不可不知

愚按前症古方以蓴麻子仁四十九粒研塗產母頭頂腸收
上急洗去其腸若乾以磨刀水少許溫潤之再用磁石煎湯
服之即收上磁石須陰陽家用有驗者若以冰巽母面腎恐
驚則氣散

治盤腸產以半夏爲末搐鼻中腸自止

又方木紙撚以蘇油潤燈吹滅以烟薰產婦鼻中腸即止

又方腸出盛以潔淨漆器濃煎黃芪湯浸之腸即止

養生方論第三

五行論命以年月日時支干五行相生相值以推其貴賤其間
最切要者時也得其時則終身富貴失其時則一世貧賤然則
命稟於有生之初豈可催乎世之催生之說蓋爲產難而設也

今開歷驗數方于後

催生柞木飲子 治產難或胎爛腹中腹悶其效如神

生柞木

剉一尺

甘草

大者五寸剉五段

右用水三鍾紙封罐口煎一鍾半候胎順產門徐徐溫服即

時分娩更無諸苦切不可早於坐草及穩婆下手催逼

催生如神散 治逆產橫生其功甚大

百草霜

白芷

不見火各為末等分

右每服三錢至胎順產門以童便米醋和如膏加沸湯調下

或童便酒煎進二服然血得黑則止此藥大能固血又免血

乾甚妙

如聖散用黃蜀葵花焙為末熟湯調下二錢若漏血胎胞乾澁

難產併進三服即產如無花用葵子末半合調溫酒服尤妙
若打撲胎死紅花酒調下

順生丹 治症同上

兔腦髓去皮膜研如膏

母丁香末二兩

明乳香一兩細研
射香一錢細研

右以兔腦髓九鷄頭大陰乾每服一丸溫水下男左女右手
握出兔腦髓月者尤佳

又方通明乳香一塊如皂子大為末腰痛時用冷水醋少許調
服扶立令兩手拿石燕二箇念醫靈藥聖三遍行數步坐草
便生更無痛楚神效

愚按前法觀之似迂其用者云甚驗

治產不順

蛇蛻一條
蛇蛻全者

蟄蛻紙一張無
蟄蛻紙則一方

右入新瓦瓶內鹽泥固濟存性為末煎榆白皮湯下一錢三服覺痛便生

又方用伏龍肝研末每服一錢酒調下兒頭戴土而下

又方吞槐子十四粒即下

又方當歸為末酒調一錢服良久再服

一方用魚膠一尺許新瓦上煨灰陳醋調服立下

又方大朱砂於端午日晒起以百日為度研為細末用蟬月兔

腦髓丸綠豆大欲產時粥飲下一丸良久便生其藥男左女

右手握出晒硃砂不得着兩

又方臍月兔頭煨為末葱白煎湯調二錢立生或臍月兔血抵下
袋盛掛當風處陰乾為末煎乳香湯調下二錢或兔皮和毛
燒為末酒調服二錢即產如胎衣未下再服

神妙乳砂丹用明乳香為末以猪心血丸桐子大硃砂為衣於
乾每服二丸嚼碎冷酒下良久未生再服○難產以道葉帶
七箇水煎化服二丸良久未生再服○胞漿先乾胎不得下
急服太料四物湯滋其血氣并濃煎葱湯薰洗產戶更用油
燭塗產戶內却服前藥○胎死不出用朴硝五錢滾湯調下
或平胃散一服胞衣未下水服二丸○橫逆不順先用如
神散方見前產門不開用加味芎歸湯仍服二丸須月仍上辰
日修合鹽塗兒足底急搔摩之即產

應急方

好墨新汲水濃磨服之墨水暴兒出○又方清油同

蜜分入滾湯少許調服或油煎一盞服之或路傍破草鞋一隻取鼻絡小耳繩燒灰酒調服

交骨不開產門不開方論第四新附

竊謂交骨不開產門不開皆由元氣素弱胎前失於調攝以致血氣不能運達而然也交骨不開陰氣虛也用加味芎歸湯補中益氣湯產門不開氣血虛也用十全大補湯

附治驗

地官李孟卿娶三十五歲女為繼室妊娠慮其難產索加味芎歸湯四劑備用果產門不開止服一劑頓然分娩上舍懷德之室產門不開兩日未生服前藥一劑即時而產

懷德傳服此方用者無有不驗

婦人分娩最易至四十妊娠下血甚多產門不開與前湯一劑又以無憂散飭許煎熟時時飲之以助其血而產

一產婦陰門不開發熱惡寒用十全大補加五味子數劑而寒熱退又用補中益氣加五味子數劑而陰戶斂若初產腫脹或熾痛而不閉者用加味逍遙散若腫既消而不閉者用補中益氣湯切忌寒涼之劑

一婦人脾胃素弱兼有肝火產後陰門腫痛寒熱作渴嘔吐不食敷太黃等藥服驅利之劑腫及於臀虛症蜂起此真氣虛也先用六君子以固脾胃乃以補中益氣湯升舉而消

一產婦失治腫潰不已形體消瘦飲食少思朝寒暮熱自汗盜

汗半年矣余用補中益氣加茯苓半夏以健脾胃膿水漸少
飲食漸進用歸脾湯以解脾鬱共五十餘劑元氣復而瘡亦
愈矣

一產婦陰門不閉小便淋瀝腹內一物攻動脇下或脹或痛用
加味逍遙散加真前子而愈

一婦人子宮腫大二日方入損落一片殊類猪肝面黃體倦飲
食無味肉熱晡熱自汗盜汗用十全大補湯二十餘劑諸症
悉愈仍復生育

加味芳歸湯 治交骨不開不能生產

川芎

當歸 各一兩

自死龜板 一箇 酥炙

婦人頭髮

一握 燒

右為散每服五錢水煎服約人行五里即生如胎死亦下灼
過龜板亦可

十全大補湯

方見二十四卷第四論

補中益氣湯

方見二十四卷第六論

郭精中產難方論第五

論曰產難者因兒轉身將兒枕血塊破碎與胞中敗血壅滯兒
身不能便利是以難產急服勝金散消散其血使兒自易生陳
無擇云多因兒未轉順坐草太早或努力太過以致胞衣破而
血水乾產路澁而兒難下宜先服催生如神散以固其血設或
逆生橫產當用前法針刺之

勝金散

麝香錢一

豆豉兩一

右每服一錢用秤錘燒赤淬酒下，催生如神，散亦可用。

產難子死腹中方論第六

產難子死腹中多，因驚動太早，或觸犯禁忌，其血先下，胎乾涸而然也。須驗產母舌若青黑，其胎死矣。當下之，故產室坐卧，須順四時方向，并遵五行避忌，則吉。

附治驗

一、穩婆之女，勤苦負重，妊娠腹中陰冷，重墜口中，其穢余意其胎已死，令視其舌青黑，與朴硝半兩許服之，化下穢水而安。一、婦人胎死服朴硝下穢水，肢躰倦怠，氣息奄奄，用四君子為主佐，以四物薑桂調補而愈。

一方水銀半兩桂末一錢作一服溫酒調下粥飲亦可

又方以利斧煨赤置酒中待溫飲之其子便下

又方用錫粉水銀各一錢棗肉九太豆許水吞下立出

又方朴硝三錢溫童便調下猶犬牛畜用之皆驗

又方平胃散五錢酒水各一盞煎至一盞投朴硝五錢再煎三

五沸溫服其胎即化水而出寶慶方云凡欲斷臍帶先以繫

物墜下後可斷之否則胞衣上即冲心而死

附方

四君子湯

四物湯 二方見二十四卷第六論

產難生死訣第七

欲產之婦脉離經

難經云一呼三至曰離經此是陽加於陰二陪也一呼一至亦曰離經此是陰加於陽四倍也注云經者常也胃脈離常絡之處周即言之一呼脈再至一吸脈再至曰脾和之脈故一呼脈行三寸一吸脈行三寸呼吸定息脈行六寸一日一夜一萬三千五百息脈行八百一十丈乃于一周復從始之經再行今一呼脈三至一吸脈三至呼吸定息脈行九寸一日一夜脈行通計一千二百一十五丈過於平脈之數不在所起之經再起故曰離經若一呼一至脈行寸半一吸一至脈行寸半呼吸定息脈行三寸一日一夜通計脈行得四百單五丈乃謂一周是不及平脈之數周而復始亦不在所起之經再起亦曰離經也

沉細而滑也同名

臨產之婦脉見沉細而滑者乃腎臟本脉之形然腎繫胞胎見此脉者亦與離經之脉同名也

夜半覺痛應分誕來日日午定知生

若妊婦夜半時覺腹痛定知來日日午時當分娩也聖惠方云夜半子時覺腹痛來日日午時必定生產謂子午相半正半日觀數也

身重體熱寒又頻舌下之脉黑復青反舌上冷子常死腹中瀕遺子歸冥

凡妊婦身軀沉重者胃氣絕也又體熱寒慄頭併者正氣衰陰氣盛也若舌捲下脉青黑色也及舌反捲上水冷不溫者

子母俱死之候

面赤舌青細尋看母活子死定應難

凡妊婦面色赤是榮氣流通母活之候舌上青色是妊脈絡絕胎死之候

唇白俱青沫又出子母俱死總高判

若妊婦唇白俱青色者榮衛氣絕也又口中吐出痰沫者是脾胃之氣俱絕此是子母俱死之候也

面青舌青沫出頻母死子活是知真不信若能看應尋之賢哲不虛陳

凡妊婦面與舌皆青色又吐痰沫者是產婦榮衛俱絕胎氣衝上之候此是子活母死之候產下子母必死也此古賢哲

應驗之文不虛妄陳其說也

新產之脉緩滑吉實大弦急死來侵

凡婦人新產之後其脉來緩滑者為氣血通利調和是生活
安吉之兆也若見牢大弦急之脉則凶必死之脉也

若得沉重小者吉忽若堅牢命不停

若產婦診得沉重微小者此是形虛相應故云吉兆之脉忽
然診得堅硬牢實之脉是脉盛形衰相反性命不可停留必
死也

寸口澁疾不調死

若產後寸口脉澁疾大小不調勻者此是血氣衰絕之脉故
云死也

沉細附骨不絕生

若重手按之乃得其脉沉細附着於骨不斷絕有力者此生活之兆也

審看此候分明記長須念此向心經

凡為醫者宜詳審脉証分明記於心膈也

愚按前論與脉訣刊誤所云不同觀者審之

太醫院校註婦人良方大全卷之十七終

大醫院校註婦人良方大全卷之十八

江右臨川陳自明良甫編

太醫院使立齋薛已校註

建邑書林泗泉余彰德梓

產後門

產難既明須知產後失調故以次之

產後失調

婦人產畢飲熱童便一盞閉自少坐上床側高立膝仰臥不轉
喚醒及以醋塗鼻或用醋炭及燒漆罌更以手從心膈至臍下
使無露不滯如此三日以防血暈血逆酒雖行血亦不可多恐
引血入四肢且能昏暈宜頻食白粥少許一月之後宜食羊肉
豬蹄少許仍慎言語七情寒暑梳頭洗足以有日為度若氣血

素弱者不計日月否則患手足腰腿痠痛等症名曰羣勞最難
治療初產時不可問是男女恐因言語而泄氣或以愛憎而動
氣皆能致病不可獨宿恐致虛驚不可刮舌恐傷心氣不可刮
齒恐致血逆須血氣平復方可治事犯時微若秋毫成病重如
山嶽可不戒哉

產後調理法二

產後將息如法臟腑調和庶無諸疾苦須先服黑神散四物湯
四順理中丸七寶散若壯熱頭痛此乳脉行用玉露散頭目
不清是血暈用清魂散粥食不美是胃氣虛用四順理中丸
愚按丹溪先生云肉汁發陰經之火易成內傷之病當歸丸
當歸建中湯四順理中丸雖滋補悉犯桂附乾姜僭熱之劑

臟腑無寒何處消受若夫兒之初產母腹頸寬便啖鷄子火
鹽不思鷄子難化火鹽發熱滾轉為病醫者不識妄指他病
寧爾用藥寧不誤人予每見產婦之無病者皆不用黑神散
與鷄子火鹽諸般肉食每白粥調理間以此小石者魚乾淡
食之至半月以後少食雖鷄子亦豁開煮之方能養胃却痰
彼富貴之家嬌姿之婦率有白帶頭風氣痛膈滿痰逆口乾
經事不調長髮脫體熱皆因失於調理所致也

產後通用方第三

愚按前方即產後諸症各門自有方論王治故不再錄

胞衣不出方論第四

郭稽中曰胎衣不下者因氣力疲憊不能努出或血入衣中脹

大而不能下以致心胸脹喘急連服奪命丹血散脹消其衣自下牛膝散亦效

愚按前症若出而氣虛不能入用補中益氣湯或草麻子仁一兩研塗母頭頂心即止若胎衣不下用草麻子仁塗右腳心胎衣下急洗之緩則胎衣仍以益母丸亦効若胎衣未下若欲斷臍帶須先以少物繫臍然後斷之

附治驗

一婦人胞衣不出胸腹脹痛手不敢近用滾酒下失笑散下劑惡露胎衣並下

一產婦胎衣不出腹作痛手按痛稍緩此氣虛而不能送出也用無憂散而下前症常詢諸穩婆云宜服益母草丸或就以

產婦頭髮入口作嘔胎衣自出其胎衣不出者必死投與前法甚効

奪命丹

附子

半兩炮

牡丹皮

兩

乾漆

一錢炒烟盡

大黃

末一兩

右為末醋煎太黃成膏九桐子大溫酒吞五七丸

花薤石散

治產後敗血不盡血迷血暈腹中胎衣不下至死

心頭煖者急用一服化水即出其効如神

花薤石

一兩

上色硫黃

四兩

右和勻先用紙泥封固瓦罐一箇入二藥仍封固陰乾如急用以焙籠內炙乾用炭煨赤去灰次日取出細研每服一錢童便執滴下

牛膝散 治胎衣不出腹中脹痛急服此藥腐化而下緩則不救

牛膝 川芎 朴硝

蒲黃各三兩 當歸一兩五錢 桂心五錢

右每服五錢姜二片生地黄一錢水煎

附方

補中益氣湯 方見二十四卷第六論

失笑散 方見十六卷第五論

無憂散 方見十六卷第三論

益母草丸 方見十三卷第九論

又方用鹽下土二兩錢好醋調和納臍中續煎生甘草湯半盞或以醋湯飲之即出

又方用草麻子仁研爛塗足心下即洗去

又方用紅花二兩酒煮濃汁服

又方用鹿角鎊三錢爲末煮葱白湯調服

又方取產母鞋底炙熱熨小腹上下二七次

又方用浸苧水濃煮溫飲二碗立下

又方用皂角棘燒爲末每服一錢溫酒調

產後血暈方論第五

產後血暈乃血入肝經甚至眼花昏悶用黑神散主之
下血過多
多用清魂散補之或以醋湯細飲或預燒秤錘以醋沃之或醋
塗口鼻或燒漆罌薰之使產母鼻吸其氣庶無此患

愚按前症若惡露上行用朱砂散血下過多尋歸湯若過勞

所傷補中益氣湯氣血虛極用清魂散大凡產後口眼喎斜等症當大補氣血為主而兼以治痰若脾胃虛弱用六君子湯苟於七月之前服安胎飲至八九月間加太腰皮黃楊頭元氣虛弱八珍湯臨產用無憂散則無前患

附治

一婦八月胎下墜或動面黃體倦飲食少思此脾氣虛弱用補中益氣湯倍白朮加蘇梗三十餘劑而安產後眩暈胸滿咳嗽用四物加茯苓半夏桔梗而愈

一妊婦因產飲酒惡露甚多患血暈口出酒氣此血得酒熱而妄行虛而作暈也以佛手散加煨甘葛二錢二劑而痊酒性慄悍入月及產後不宜飲恐致前症產室人衆氣熱喧懷亦

致此症

奪命丹 治血暈腹痛沒藥血竭末等分每服二錢熱薑便熱

酒下

牡丹皮散 治產後惡露悶絕

牡丹皮

芒硝

大黃蒸各一兩

冬瓜仁三七粒去皮尖

右每五錢水煎服

清塊散

治產後氣血暴損虛火妄動血隨火上以致心神昏

亂口噤眼花甚至悶絕而甦

澤蘭葉

人參各一錢

荊芥三錢

川芎一錢

右各另為末和勻每服一二錢熱湯和酒調灌之

當歸芍藥湯

方見十二卷第十二論

一方五靈脂末半生半炒每服二錢溫酒灌入喉即愈

一方荊芥為末章便調

一方神麩末每服二錢熱水調

一方韭菜切入瓶內注熱醋以瓶口對鼻氣入即醒

一方用紅花末五錢酒調服

一方半夏為末丸豆大入鼻中即省亦療五絕

一方赤小豆為末東流水和服錢許不瘥再服

佛手散 治產後去血眩暈欲絕方見十二卷七論

又方松烟墨二錢燒赤蜜滅為末溫酒調半七京墨亦可或燒漆器取烟薰之

附方

失笑散

方見二十卷第五論

補中益氣湯

六君子湯

四物湯

三方見二十四卷第六論

安胎飲

方見十二卷第二論

無憂散

方見十六卷第二論

產後諸症方論第六

產後顛狂乃敗血上衝用大聖澤蘭散加砂仁末三分煎酸棗仁湯調下或硃砂二錢研細以乳汁調和入紫項活地龍一條滾二三沸去之入酒再用重湯煮溫分三服

愚按前症乃血虛神不守舍非補養元氣不可仍參後各門互用

附治驗

一產婦患前症或用太澤蘭湯而愈後又怔忡妄言其痰甚多
用茯苓散補其心虛頓愈又用八珍散加遠志茯神養其氣
血而瘥

一產婦亦患此用化痰安神等藥病益甚神思消燦余以爲心
脾血氣不足用大劑參朮芎歸茯神酸棗仁四觔餘而愈
以歸脾湯五十餘劑而愈

附方

隱居澤蘭湯

方見二十卷第六論

茯苓散

方見十九卷第三論

八珍散

歸脾湯 二方見二十四卷第四論

產後狂言譫語方論第七

產後狂言譫語乃心血虛也用硃砂末酒調下龍虎丹參九琥珀地黃丸亦可如驚悸歌哭顛狂等症當參十九等卷治之愚按前症當固胃氣為主而佐以見症之藥為善若一於攻痰則誤矣

附治驗

一產婦形體甚倦特發譫語用栢子仁散稍愈又用加味歸脾湯而愈又因怒仍狂言脇痛小便下血用加味逍遙散以清肝火養肝血頓瘥又佐以加味歸脾湯而安治敗血上衝發熱狂走脉虛大者

乾荷葉

生地黃

牡丹皮

等分

右濃煎湯調生蒲黃二錢服之即止

妙香散

治產後語言錯亂用生地當歸煎湯調服立効

方見六卷

第八論

附方

小柴胡湯

方見二十四卷第二論

栝子仁散

方見十九卷首論

加味歸脾湯

方見二十四卷第四論

產後不語方論第八

產後不語因心氣虛而不能通於舌則舌強不能言語者宜服七珍散餘當推其所因而治之可也

愚按經云太腸之脉散舌本又云脾之脉是動則病舌本強不能言又云腎之別脉上入于心繫舌本虛則不能言竊謂前症若心腎氣虛用七珍散腎虛風熱地黃飲太腸風熱加味道達散加防風白芷脾經風熱秦艽升麻湯肝經風熱柴胡清肝散加防風白芷脾氣鬱結加味歸脾湯加升麻肝木太過小柴胡加釣藤鈎脾受土侮六君加升麻白芷釣藤鈎肝脾血虛用佛手散脾氣虛用四君子氣血俱虛八珍湯如不應獨參湯更不應急加附子補其氣而生其血若竟用血藥則誤矣

附治驗

一產婦不語用七珍散而愈後復不語內熱肺熱肢體倦怠飲

食不進用加味歸脾湯為主佐以七珍散而愈後因怒不語口
禁腰背反張手足發搐或小便見血面色或青或黃或時赤
赤余曰面青肝之本色也黃者脾氣虛也赤者心血虛也用
八珍湯加釣藤釣茯苓遠志漸愈又用加味歸脾湯而痊
七珍散

人參

石菖蒲

生地黃

川芎各

細辛錢一

防風

辰砂研各半兩

右為末每服一錢薄荷湯調

胡氏孤鳳散

治產後閉目不語用生白礬末每服一錢熱水

調下

治產後不語

人參

石蓮肉心不去

石菖蒲等分

右每服五錢水煎

附方

地黃飲方見三卷第四論

加味逍遙散

加味歸脾湯

八珍湯三方見二十四卷第四論

秦艽升麻湯方見三卷第一論

清肝散方見二十四卷第三論

小柴胡湯方見二十四卷第二論

六君子湯

大醫堂交生湯方見二十四卷

四君子湯

二方見二十四卷第六論

佛手散

方見十二卷第七論

獨參湯

方見三卷第十三論

太醫院校註婦人良方大全卷之十八終

太醫院校註婦人良方大全卷之十九

江右臨川陳自明良甫編

太醫院使立齋薛己校註

建邑書林泗泉余彰德梓

產後門

產後如見鬼神或言語謔妄皆由血氣虧損陰虛發熱或瘀血停滯以致心神煩躁而然也宜以調經散治之

愚按前症若敗血停滯用調經散若血虛發熱用八珍加炮薑若心血虛損用栝子仁散太抵此証皆心脾血少所致但調補胃氣則痰清而神自安矣若果係鬼祟所附即參鬼哭

穴可愈其或不起者多因豁痰降火攻伐之過也仍參第三卷產後滯

語乍見鬼神方論

附治驗

一產婦患前症或用調經散愈而復作仍服前散益甚痰涎上湧朝寒暮熱余朝用八珍散夕用加味歸脾湯各五十餘劑而愈

調經散 治血虛經閉心神煩躁渾身疼痛或時見怪

沒藥

琥珀並細研

桂心各一錢

芍藥炒

當歸各分

細辛半錢

麝香少許

右為末每服半錢薑汁溫酒各少許調服下即愈

栢子仁散

治產後元氣虛弱瘀血停滯狂言亂語

栢子仁

遠志

人參

桑寄生

防風

琥珀研別

當歸炒

生地黄

焙甘草炒等分

右用白羊心一箇水土盞煮清汁七分入藥五錢煎服

附方

八珍湯

加味歸脾湯

二方見二十四卷第四論

鬼哭穴

見六卷第八論

產後心驚悸恐懼或目睛不轉口不能言乃心氣虛而六淫

內侵診其脉動而弱者驚悸也動則為驚弱則為悸矣

愚按人之所主者心心之所主者血心血一虛神氣不守此

驚悸新由作也當補血氣為主仍參三卷第十論

附治驗

一產婦患前症二度服琥珀地黃丸局方妙香散隨効再患服之其症益甚而脉浮大按之如無發熱惡寒此血氣俱虛余用十全大補加味歸脾二湯各百餘劑而愈後遇驚恐勞怒復作仍服前藥而安

琥珀地黃丸 治產後惡露未盡胸腹作痛或小便不利

琥珀另研 延胡索糯米同炒 當歸各一兩

蒲黃四兩炒香 生地黃研取汁

生薑各二觔研取汁留滓生薑汁用銀石器內炒地黃汁以地黃汁炒生薑汁各乾為末

右為末煉蜜丸如彈子大每服一丸當歸煎湯化下

治血虛驚悸少寐及產後敗血停留少腹作痛等症

辰砂另研

琥珀

沒藥並研

當歸為末

右為末每服二錢空心日午臨卧用白湯調下

產後驚悸亂語精神不定用好硃砂為細末酒調服錢許

附方

局方妙香散

方見三卷第十三論

茯苓補心湯

方見三卷第十論

十全大補湯

加味歸脾湯

二方見二十四卷第四論

產後中風心驚方論第三

產後眼張口噤肢體強直腰背反偃

言語錯亂如癇者此氣虛

風邪所傷而成瘧也

愚按仲景先生云有汗爲柔瘧用桂枝湯無汗爲剛瘧用麻黃湯然產後得此血氣俱虛之敗症也不可與傷寒例看丹溪先生云產後當大補氣血爲主可用十全大補湯以補元氣如不應急加附子更不應是藥力弗逮仍用參附湯多服余常治太虛之症參芪數觔附子數枚方應

附治驗

一產婦患此不省人事言語妄甚惡風寒喜熱飲形氣倦怠脈虛浮無力余謂血氣虛寒用十全大補湯二十餘劑不應又二十餘劑稍緩乃漸加附子至二錢服數劑諸症減一二又二十餘劑十退三四乃去附子五分數劑諸症頓退而安後

又發仍服前藥加附子三五分而愈

扶苓散

治產後心虛忪悸言語錯亂健忘少睡或則汗盜汗

人參

甘草炒

芍藥炒

當歸

生薑

各八分

遠志

茯苓

桂心

麥門冬

去心五分

大棗

二枚

右水煎服

抱膽丸

治產後遇驚發狂或遇經行發狂

水銀

二兩

黑鉛

一兩五錢

硃砂

一兩

乳香

一兩

右將

黑鉛入

鉢內

火鎔下

水銀結成

砂子

下硃砂乳末乘熱

用柳木槌

研勻

丸

雞頭子

大每服

一九

空心薄荷湯下得睡

勿驚覺來即安妙香散亦善

附方

妙香散

方見三卷第十三論

十全大補湯

方見二十四卷第四論

參附湯

方見後第六論

產後恍惚因元氣俱虛心經血少或外邪所侵以致心神恍惚怔忡不寧

愚按前症當大補血氣為主而佐以後方為善蓋風乃虛極之假象也固其本源諸病自退若專治風則速其危矣

附治驗

一產婦患前症盜汗自汗發熱晡熱面色黃白四肢畏冷此氣

血俱虛用八珍湯不應更用十全大補加味歸脾二湯始愈
後因勞怒發厥昏憤左目牽紫兩唇抽動小便自遺余為肝
火熾盛用十全大補加釣藤山梔而安再用十全大補湯辰
砂遠志丸而愈

辰砂遠志丸 治產後中風驚狂起卧不安或痰涎上湧

石菖蒲

遠志

去骨芦
甘草煮

人參

茯神

去木

辰砂

各三錢

川芎

山藥

鉄粉

麥門冬

心去

細辛

天麻

半夏

湯泡

南星

白附子

各兩

右為末薑汁糊丸黍豆大別以硃砂為衣每服三十丸臨卧

薑湯下

附方

八珍湯

十全大補湯

加味歸脾湯 三方見二十四卷第四論

產後血暈生風方論第五

產後生風因去血過多氣無所主以致唇青肉冷汗出目眩神昏急服濟危上丹若投以風藥則誤甚矣

愚按前症若心脾血氣俱虛用十全大補湯如不應加附子釣藤鈎若肝經血虛用逍遙散加釣藤經云脾之榮在唇心之液為汗若心脾二臟虛極急用參附湯救之

附治驗

一婦人患前症或用諸補劑四肢逆冷自汗泄瀉腸鳴腹痛余以陽氣虛寒用六君子薑附各加至五錢不應以參附各一兩始應良久不服仍腸鳴腹痛後灸關元穴百餘壯及服十全大補湯方効

濟危上丹

乳香研

五靈脂

硫黃

玄精石同研極細

阿膠

卷栢

桑寄生

陳皮等分

右將上四味入石器內微火炒再研入餘末用生地黃汁九

桐子大每服二十九食前溫酒或當歸酒下

當歸建中湯

治產後腹痛拘急痛連腰背自汗少食

當歸

桂心各三兩

白芍藥六兩炒

甘草炙二兩

右每服五錢薑水煎入飴糖一匙服如未應加之

附方

參附湯方見本卷後

十全大補湯

逍遙散二方見二十四卷第四論

六君子湯方見二十四卷第六論

獨參湯

治一切失血惡寒發熱作渴煩躁或口噤舌謬自汗

盜汗或氣虛脉脫手足逆冷蓋血生于氣故血脫補氣陽生

陰長之理也方見三卷第十三論

產後虛汗不止方

產後汗不止者皆由陽氣頓虛腠理不密而津液妄泄也若遇

風則交瘕縱虛之短氣則身體消瘦唇口乾燥又則經水斷絕
田津液竭故也

愚按前症屬血氣俱虛急用十全大補湯如不應用參附
附等湯若汗多亡陽發瘕尤當用前藥王海藏先生云頭汗
出至頸而還額上偏多蓋額為六陽之所會也由虛熱蒸騰
而出竊謂前症當以部位分之額左屬肝額右屬肺鼻屬脾
頤屬胃額屬心治者審之仍參三卷第六論

附治驗

一產婦之聞音響其汗如水而昏憤諸藥到口即嘔余以為脾
氣虛敗用參附末為細丸時含三五粒隨液嚥下乃漸加之
至錢許却服參附湯而痊

一產婦盜汗不止遂致廢寐神思疲甚口乾引飲念謂血虛有熱用當歸補血湯以代茶又以當歸六黃湯內黃芩連柏炒更倍加大人參五味子二劑而愈

麻黃根湯 治產後虛汗不止身熱發渴驚悸不安

當歸 黃芪炒 麻黃根 牡蠣煨為粉

人參 甘草炒等分

右每服四錢水煎

一方 治產後自汗盜汗胃氣虛弱服別藥則嘔吐不能入

當歸 黃芪各一兩 麻黃根兩

右每服三錢水煎

治產後氣脫汗不止小便短少四肢難步以屈伸

甘草

炙一兩

附子

炮五錢

桂心

芍藥

各一兩

右每服三錢薑棗水煎服虛甚更加以炙為度

止汗散

牡蠣

為末半兩

小麥

麩八兩炒黃為細末

右每服三五錢用猪肉汁調

人參湯 治產後諸虛不足發熱盜汗內熱晡熱等症

人參

當歸等分

右為末以猪腰子一枚切片水二鍾糯米半合葱白二根煎取汁八分入藥三錢煎服

附方

當歸六黃湯

治氣血虛熱盜汗不止不應加入參白朮心

不足加酸棗仁炒

當歸

熟地黃製自

黃芪二錢各

生地黃

黃柏炒黑

黃芩炒黑

黃連一錢各

右水煎服

參附湯

治陽氣虛寒自汗惡寒或手足逆冷大便自利或臍

腹疼痛吃逆不食或汗多發瘧等症

人參兩

附子錢五

右作二服薑棗水煎徐徐服去人參加黃芪名芪附湯

當歸補血湯

治肌熱躁熱自赤面紅煩渴引飲晝夜不息脉

洪大而虛重按全無者

當歸二錢

黃芪一兩

右水煎服

十全大補湯方見二十四卷第六論

芪附湯

治陽氣虛脫惡寒自汗或口噤瘡瘍四肢逆冷或吐

瀉狀痛飲食不入及一切虛寒等症

黃芪

兩一

附子

炮五

右作二劑薑棗水煎服如不應倍加附子方得全濟

產後冒汗出方論第七

產後忽冒汗出者因陰血虧損陽氣鬱暴故也急吞鷄子三枚煮醢飲童便或時復發宜服竹瀝五合

愚按前症屬太虛宜固無氣為主其汗不止必交乘瘧東垣先生云婦人分娩及半產漏下皆冒汗瞋蓋因血暴亡而火

上熾但補其血則神自昌若常時血下當補而升舉其氣陽
得血而神安則自明矣今立一方以補手足厥陰之血兼益
湯去之各曰全生活血湯

全生活血湯 治發熱自汗盜汗目眩 四肢無力口乾頭暈
行步欹側

柴胡

當歸 各二錢

生地黄 炒

熟地黄 各一錢

川芎

藁本 各一分

防風

羌活

獨活

葛根

甘草 炒各二錢

細辛

蔓荊子 各五分

升麻

芍藥 炒各三錢

紅花 三錢

右每服五錢水煎熱服

症後行參差方論第八

產後汗多變症因氣血虧損肉理不密風邪所乘其形口禁言強如痛或搖頭馬嘶不時卒發氣息如絕宜速灌承續命湯若汗出兩手拭不及者不治

愚按前症曰去血過多元氣虧極或外邪相搏以致牙關緊急四肢痙強或陰火內動或腰背反張肢體抽搐若有汗而不惡寒者曰柔痙若無汗而惡寒者曰剛痙由血過多傷無所養故傷寒汗下過多瀆瘍膿血大泄多患之乃敗症也急以十全大補湯治之如不應急加附子多有伏甦者亦有示瀝七情所致者治法見第三卷第三論

附治驗

一產婦牙關緊急腰背反張四肢抽搐兩目連劄此去血過多

元氣虧損，陰火熾盛，用十全大補加炮薑一劑而甦。數劑而
余在吳江史萬湖第時，將入更聞喧擾，詢云家人婦產後出
直衝忽仆而死。余意其勞傷血氣而發症也，急用十全大補
加附子煎滾，令入正其面，開其口灌之。久不能下，令側其面
而出之，換以熱藥如此五坎，方得下咽，遂甦。

小續命湯 治剛瘳或脚氣痺弱不能轉舒行步歌側或口眼
喎斜牙關緊急用弓反張

麻黃

桂心

甘草

各半兩

防風

芍藥

白朮

人參

川芎

附子

炮

防已

酒拌

黃芩

炒各等分

右每服五錢水煎入薑汁少許溫服若自汗為瘳去麻黃

有熱去附子減桂一半盛冬初春去黃芩

十全大補湯

方見二十四卷第四論

產後口噤腰背反張方論九

產後口噤由血氣虛而風邪乘於手三陽經也蓋手三陽經循結於頷得風冷則筋急故致口噤腰背反張者是風邪入於諸陽之經也

愚按前症因氣血耗損腠理不密汗出過多而患之者乃虛象也宜固氣血為主佐以本方丹溪云產後當大補氣血為先雖有他症以未治之如惡寒發熱等症乃氣血虛甚之極也宜大劑參芪歸木肉桂以培養之如不應急用炮附子再不應用人參一兩炮附子二三錢名參附湯借猶未應乃藥

力未能及也宜多用之

愈風散

治前症用荊芥略焙為末每服三錢豆淋酒下重便

亦可其効如神牙緊灌口鼻

清順散又名交解散

方見第二卷第五論

治婦人產後不省人事吐涎瘰癧

當歸

荊芥穗等分

右每服三錢水一盞酒少許煎灌下咽即甦

愚按前症如有未應者急用大補氣血為主

產後中風白癰皮一兩或共獨活三兩酒水煎服

張仲文用白朮四兩以酒煎頓服

小續命湯

治產後口噤角弓反張

見前

產後中風方論第十

產後中風或血氣未復風寒所感以致筋掣拘急口眼喎斜或肢體緩弱入臟則恍惚驚悸郭稽中云產後強力下床或誤入房或憂怒內傷臟腑陳無擇曰當以脈辯而治之若努力下床月內入房憂怒者非中風類乃尋勞火邪之症也

愚按前症果外邪所屬形氣不足病氣有餘當補元氣為主稍佐以治病之藥若強力下床月內入房屬形氣病氣俱不足當純補元氣多有復甦者若悞投風藥乃促其危也仍參照第三卷諸論主之

治產後身背拘急發熱四肢拘攣不時驚悸

川芎

羌活

羚羊角

酸棗仁炒

芍藥

妙黃各四兩

桑白皮

防風

右水煎分三服

產後中風唇青鼻黑用小續命湯連進三服即愈

產後中風煩渴用紅花子炒五兩水煎徐呷之

獨活寄生湯 治前症亦良仍與第二卷中風類通者 方見後

產後四肢筋掣方論第十一

產後中風筋脈攣急乃血氣俱虛或風邪客於皮膚則頑痺羸乏若入於筋脈則四肢掣急皆由皮經空虛風寒乘虛而漸入愚按肝屬木而主筋前症若肝經風熱血燥用加味逍遙散如不應當用六味地黃丸以補腎水經云風客淫氣精乃亡邪傷肝也仍參第三卷諸論主之

附治驗

一產婦筋^カ挛^ス臂軟^カ肌肉掣動^ス此氣血俱虛而自熱也用十全大補湯而安

一產婦手麻服愈風丹遍身皆麻神思倦怠余謂氣血虛弱用十全大補加炮薑數劑漸愈去薑又數劑及逍遙散而痊

治產後氣血不足風邪所襲肢節挛痛背項強直

防風^兩 赤芍藥^炒

桂心^{各半兩}

羚羊角

川芎

羌活

當歸

酸棗仁^炒

牛蒡子^{炒各三錢}

右每服四錢水酒煎

愚按前方如未應當用八珍湯更不應用十全大補湯

加味逍遙散

十全大補湯

六味地黃丸

二方見二十四卷第四論
方見二十四卷第十一論

產後痰癰方論第十二

新附

竊謂痰者筋脉拘急也癰者筋脉張縱也經云肝主筋而藏血
蓋肝氣為陽為火肝血為陰為水前症因產後陰血去多陽火
熾盛筋無所養而然耳故癰疽膿水過多金瘡出血過甚則陽
隨陰散亦多致此治法當用八珍散加丹皮釣藤以生陰血則
陽火自退諸症自愈如不應當用四君芎歸丹皮釣藤以補脾
土蓋血生於至陰至陰者脾土也故小兒吐瀉之後脾胃虧損
亦多患之乃虛象也無風可逐無痰可消若屬陽氣脫陷者用

補中益氣加姜桂陽氣虛敗者用十全大補加桂附亦有復生者此等症候若肢體惡寒脉微細者此為真狀若脉浮大發熱煩渴此為假象惟當固本為善若無力抽搐戴眼反折汗出如珠流者皆不治

附治驗

一產婦因勞兩臂不能屈服蘇合香丸肢體痿軟汗出如冰余謂前藥辛香耗散真氣腠理虛而津液妄泄也先用十全大補湯加五味子補實腠理收斂真氣汗頓止又佐以四君子調補元氣漸愈用逍遙散大補湯調理而痊

一產婦先胸脇乳內脹痛後因惡口禁吐痰臂不能伸小便自遺左三部脉弦余謂此肝經血虛而風火所致不能養筋先

用加味逍遙散治之臂能屈伸又以補肝散六味丸諸症愈
一婦人發癰遺尿自汗面赤或時面青飲食如故肝脈弦緊余
曰此肝經血燥風熱名癰也肝主小便其色青入心則赤法
當滋陰血清肝火遂用加味逍遙散不數劑諸症悉退而安

附方

海藏愈風湯一名舉鄉古拜散

治一切失血筋脈緊急症後

盜汗後搖擗

荊芥

為細末

右先以炒大豆黃卷以酒沃之去黃卷取清汁調前末三五
錢和滓飲之輕者一服重者二三服中病即止其効如神余
虛者忌服一方用童便調○本事方云此藥委有奇効神矣

之功太抵產室無風為佳不可衣被帳褥太煖太煖即汗出
汗出則腠理開易於中風便昏冒一婦人產後遮護太密更
生旺火睡久及醒則昏昏如醉不省人事用此藥佐以交加
散服之即睡睡中必以左手搔頭覺必醒矣良久果驗
交加散 治瘰癧或顫振或產後不省人事口吐痰涎

當歸

荆芥穗等分

右為細末每服二錢水一盞酒少許煎至七分灌下神効
增損柴胡湯 治產後或經適斷致手足牽搐咬牙昏冒異症

柴胡錢八

黃芩炒四錢

人參

半夏錢一

石膏錢四

知母錢二

黃芪炒五錢

甘草炙二錢

右為粗末每服半兩薑五片棗四枚水煎溫服

四君子湯

補中益氣湯

二方見二十四卷第六論

產後氣血論第十三

論曰產後胸氣因元氣內虛六淫外侵所致其狀發熱昏悶痞
塞驚悸心煩嘔吐氣上用小續命湯治之若以爲敗血攻之則
誤矣

愚按前症當補氣血爲主佐以小續命湯寄生湯如不應則
大防風湯仍參第一卷九論主之已上十一症誠似小兒驚
驚風無風可逐無痰可清但專補元氣庶保其生

附治驗

一產婦患前症或用獨活寄生湯而痊後復作服之其汗如水

更加口禁吐痰余用十全大補湯培養血氣漸愈後飲食日少肌體日瘦吐痰如湧此命門火衰脾土虛寒用八味丸及加味歸脾湯諸症漸退肌肉漸生

獨活寄生湯

治風邪內攻而脛腫痛或緩縱痺等症

方見四卷

第七論

小續命湯

方見前

大防風湯

方見二十四卷第九論

十全大補湯

加味歸脾湯

二方見二十四卷第四論

八味丸

方見十五卷第十一論

太醫局校註婦人良方大全卷之十九終



